

VENDIM
Nr. 458, datë 31.7.2025

**PËR DEKLARIMIN PASURI KULTURORE E PALUAJTSHME “ANSAMBËL
ARKITEKTONIK URBAN” TË NJË ZONE NË QYTETIN E KONISPOLIT,
PËRCAKTIMIN E ZONËS MBROJTËSE TË TIJ DHE MIRATIMIN E PLANIT PËR
RUAJTJEN, MBROJTJEN DHE ADMINISTRIMIN E TYRE**

Në mbështetje të nenit 100 të Kushtetutës, të shkronjave “a” e “ç”, të pikës 3, të nenit 9, të nënndarjes “i”, të shkronjës “b”, të pikës 3, të nenit 53, të pikës 3, të nenit 62, dhe të pikës 1, të nenit 96, të ligjit nr. 27/2018, “Për trashëgiminë kulturore dhe muzetë”, të ndryshuar, me propozimin e ministrit të Ekonomisë, Kulturës dhe Inovacionit, Këshilli i Ministrave

VENDOSI:

1. Deklarimin pasuri kulturore e paluajtshme “Ansambël arkitektonik urban” të një zone në qytetin e Konispolit, sipas hartës dhe koordinatave në Kornizën Referuese Gjeodezike Shqiptare (KRGJSH), që i bashkëlidhen këtij vendimi.

2. Përcaktimin e zonës mbrojtëse të “Ansambilit arkitektonik urban” të një zone në qytetin e Konispolit, sipas hartës dhe koordinatave në Kornizën Referuese Gjeodezike Shqiptare (KRGJSH), që i bashkëlidhen këtij vendimi.

3. Miratimin e planit për ruajtjen, mbrojtjen dhe administrimin e këtyre zonave, sipas tekstit që i bashkëlidhet këtij vendimi.

4. Ngarkohet Autoriteti Shtetëror për Informacionin Gjeohapësinor për publikimin e hartave të “Ansambilit arkitektonik urban” të një zone të qytetit të Konispolit dhe zonës mbrojtëse në Gjeoportalin Kombëtar.

5. Ngarkohet Agjencia Shtetërore e Kadastrës për regjistrimin e këtij vendimi, në përputhje me ligjin nr. 111/2018, “Për kadastrën”, dhe me aktet nënligjore në fuqi.

6. Ngarkohen Ministria e Ekonomisë, Kulturës dhe Inovacionit dhe Bashkia Konispol për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Belinda Balluku

PLANI
**PËR RUAJTJEN, MBROJTJEN DHE ADMINISTRIMIN E “ANSAMBLIT
ARKITEKTONIK URBAN”, DHE ZONA MBROJTËSE TË NJË ZONE NË QYTETIN
E KONISPOLIT**

Neni 1
Qëllimi

Ky plan përcakton rregullat, procedurat, autoritetet shtetërore përgjegjëse për ruajtjen, mbrojtjen dhe administrimin e “Ansambilit arkitektonik urban” dhe zonës mbrojtëse të një zone në qytetin e Konispolit, si dhe kufijtë e tyre.

Neni 2

Objekti

Objekt i këtij plani është:

1. administrimi i “Ansambilit arkitektonik urban” dhe zonës mbrojtëse të një zone të qytetit të Konispolit, sipas hartës së zonifikimit, që i bashkëlidhet këtij plani, si pjesë integrale e tij.
2. mbrojtja, konservimi dhe restaurimi i vlerave arkitektoniko-kulturore dhe vlerave të peizazhit të “Ansambilit arkitektonik urban” të një zone të qytetit të Konispolit.
3. mënyra e bashkëpunimit me njësitë e vetëqeverisjes vendore për administrimin, mbrojtjen dhe restaurimin e vlerave të trashëgimisë kulturore e të peizazhit të “Ansambilit arkitektonik urban” të një zone të qytetit të Konispolit dhe zonës mbrojtëse të tij.

Neni 3

Hapësira urbane në mbrojtje

1. Hapësira urbane në mbrojtje të një zone të qytetit të Konispolit përbëhet nga:
 - a) ansambli arkitektonik urban;
 - b) zona mbrojtëse.
2. Brenda këtyre zonave të përcaktuara në pikën 1, të këtij neni, përfshihen pasuri kulturore, objekte shoqërore, banesa tradicionale të lidhura ngushtë me peizazhin urbanistiko-arkitektonik, historik, tradicional, zona të gjelbra, sheshe dhe rrjeti rrugor me prezencë kalldrëmi.
3. Plani i përgjithshëm vendor i Bashkisë Konispol merr parasysh kufijtë dhe kriteret e mbrojtjes së “Ansambilit arkitektonik urban” dhe zonës mbrojtëse të tij.
4. Organet e njësitë të vetëqeverisjes vendore, në bashkëpunim me institucionet shtetërore të specializuara, sigurojnë ruajtjen dhe mbrojtjen e “Ansambilit arkitektonik urban” dhe zonës mbrojtëse përreth tij.

Neni 4

“Ansambli arkitektonik urban” dhe kufijtë e tij

1. “Ansambli arkitektonik urban” i një zone të qytetit të Konispolit është hapësira urbane me vlera të rëndësishme urbanistiko-arkitekturore, që dokumenton rrugën e zhvillimit arkitektonik të qytetit dhe arritjet në arkitekturë e urbanistikë.
2. Kufijtë e “Ansambilit arkitektonik urban” paraqiten në hartën e zonifikimit, e cila është pjesë përbërëse e këtij plani. Koordinatat në sistemin referues zyrtar-KRGJSH paraqiten në aneksin 1, që është pjesë përbërëse e këtij plani.

Neni 5

Zona mbrojtëse e “Ansambli arkitektonik urban” dhe kufijtë e tij

1. Zona mbrojtëse ruan vlera arkitektoniko-kulturore dhe të peizazhit, me të cilat plotëson dhe pasuron vlerat e ansambli arkitektonik urban e krijon një kalim gradual prej saj drejt pjesëve të lira të qytetit.
2. Kufijtë e zonës mbrojtëse paraqiten në hartën e zonifikimit, e cila është pjesë përbërëse e këtij plani. Koordinatat në sistemin referues zyrtar-KRGJSH paraqiten në aneksin 2, që është pjesë përbërëse e këtij plani.

Neni 6

Ndërhyrjet e lejuara në “Ansamblin arkitektonik urban”

1. Ndërhyrjet në “Ansamblin arkitektonik urban” kanë si qëllim ruajtjen dhe mbrojtjen e vlerave të trashëgimisë kulturore, historike, arkitektonike, urbanistike të një zone të qytetit të Konispolit.

2. Me qëllim ruajtjen e vlerave urbanistiko-arkitekture të “Ansamblit arkitektonik urban”, brenda kësaj zone lejohen këto ndërhyrje:

a) ndërhyrje sistematike mirëmbajtëse, konservuese, restauruese dhe rijetëzuese, sipas parimeve të konservimit të integruar;

b) ndërhyrjet restauruese që synojnë ruajtjen e hapësirave urbanistike-arkitekture, rrjetit rrugor, duke mbajtur të pandryshuar konfiguracionin e truallit të hapësirave pushuese dhe të bimësisë tradicionale;

c) rikonstruksioni/rindërtimi duhet të integrohen në tërësinë arkitekture të ansamblit apo të zonës, duke respektuar kompozimet dhe trajtimet e pamjeve të jashtme të ndërtimeve, duke mos tejkaluar lartësinë maksimale të tyre (2–3 kate) 10.5 (dhjetë pikë pesë) m deri në kornizën e çatisë. Këto ndërhyrje shoqërohen me studime arkitektoniko-urbanistike për evidentimin e vlerave të trashëgimisë kulturore brenda zonës;

ç) çatitë duhet të jenë katër ujëse, të kenë pjerrësi 25–30 gradë dhe të mbulohen me tjegulla vendi, ngjyrë të kuqe. Mbulesat e tjera, si soleta, llamarina, pllaka të ndryshme, si dhe tjegulla me ngjyrë tjetër janë të ndaluara;

d) në rastet e fatkeqësive natyrore, të shembjeve ose djegies së objekteve me vlera të trashëgimisë kulturore, rikonstruksioni/rindërtimi mund të kryhet mbi strukturat ekzistuese, sipas formulimit kompozicional dhe arkitektonik të gjendjes para rrënimit, bazuar në dokumentacionin e qartë fotografik, grafik etj.

dh) ndërtimet e reja u nënshtrohen kritereve të përcaktuara në këtë plan. Leja e ndërtimit jepet në përputhje me legjislacionin në fuqi për planifikimin e zhvillimin e territorit dhe legjislacionin në fuqi për trashëgiminë kulturore.

Neni 7

Ndërhyrjet e lejuara në zonën mbrojtëse të “Ansamblit arkitektonik urban”

1. Ndërhyrjet e lejuara në zonën mbrojtëse janë:

a) ndërhyrje sistematike restauruese, konservuese e të mirëmbajtjes, përshtatje, rikonstruksione dhe ndërtime të reja për të rritur vlerat brenda saj dhe përmirësimin e kushteve të jetesës, të cilat duhet të jenë në harmoni me karakterin arkitektonik e urbanistik të zonës;

b) rijetëzime, me kusht që projekti i rijetëzimit të mos dëmtojë vlerën e pasurisë kulturore, sipas ligjit nr. 27/2018, “Për trashëgiminë kulturore dhe muzetë”, të ndryshuar;

c) vendosja e strukturave të përkohshme, fiksimi i flamujve, vendosja e materialeve informuese dhe reklamuese, sipas nenit 101, të ligjit nr. 27/2018, “Për trashëgiminë kulturore dhe muzetë”, të ndryshuar.

2. Lartësia maksimale e ndërtimeve të reja apo rikonstruksioneve dhe përshtatjeve, përveç rasteve kur për to ka studime të veçanta, nuk duhet t’i kalojë 3-4 katet dhe lartësinë 12.5 m deri në kornizën e çatisë.

3. Kompozimi arkitektonik i ndërtesave duhet t’i përshtatet karakterit arkitektonik e dekorativ të arkitekturës tradicionale, duke përdorur stilizime të elementeve morfologjike të saj, të kompozimeve vëllimore, ngjyrave etj.

4. Çatitë duhet të jenë katër ujëse, të kenë pjerrësi 25-30 gradë dhe të mbulohen me tjegulla vendi

ngjyrë të kuqe. Mbulesat e tjera, si llamarina, pllaka të ndryshme, si dhe tjegulla me ngjyrë tjetër janë të ndaluara.

5. Rrjeti rrugor ruhet në kompozimin, teknikën dhe formulimin e tij urbanistiko-arkitektonik.

6. Lejohet rikonstrukcioni i rrjetit rrugor dhe shesheve për përmirësimin e kushteve të infrastrukturës apo për përmirësimin ose realizimin e linjave të reja të infrastrukturës mbi dhe nëntokësore, duke përdorur materiale, forma dhe teknika tradicionale.

7. Ndërrhyrje të mobilimit urban, me vendosje mbi rrugë të stolave, ndriçuesve, koshave, vazove me lule ose elementeve të tjera të mobilimit urban, me kusht që të jenë pjesë e një projekti rikualifikimi të zonës, që parashikon vendosjen e elementeve, në harmoni me tipologjinë dhe vlerat tradicionale.

8. Ndërrhyrje për modifikimin e gjurmës rrugore, e lidhur me nevojat për funksionim dhe përdorim sa më të mirë të zonës, brenda së cilës rruga ndodhet. Në rastet kur gjurma e rrugës, në të cilën ndërhyhet, shtrihet në disa zona, ndërhyrja i nënshtrohet kritereve të zonës me mbrojtje më të lartë.

Neni 8

Ndërrhyrjet e lejuara në monumentet e kulturës

1. Ndërrhyrjet në monumentet e kulturës, të cilat ndodhen brenda “Ansambilit arkitektonik urban” të një zone të qytetit të Konispolit, kanë për qëllim ruajtjen dhe mbrojtjen e vlerave, për të cilën janë shpallur pasuri kulturore.

2. Ndërrhyrjet e lejuara janë:

a) ndërrhyrje sistematike restauruese, konservuese dhe të mirëmbajtjes;

b) rijetëzime, me kusht që projekti i rijetëzimit të mos dëmtojë vlerën e pasurisë kulturore, sipas ligjit nr. 27/2018, “Për trashëgiminë kulturore dhe muzetë”, të ndryshuar;

c) vendosja e strukturave të përkohshme, fiksimi i flamujve, vendosja e materialeve informuese dhe reklamuese, sipas nenit 101, të ligjit nr. 27/2018, “Për trashëgiminë kulturore dhe muzetë”, të ndryshuar.

Neni 9

Ndërrhyrjet e ndaluara në tërësinë e “Ansambilit arkitektonik urban” dhe zonës mbrojtëse të tij

1. Në hapësirën e ansambilit arkitektonik urban nuk lejohen:

a) instalime që paraqesin rreziqe ose janë të një natyre të rrezikshme, që mund t’u shkaktojnë dëme të rënda ose të pandreqshme për njerëzit, pasuritë kulturore, natyrën dhe peizazhin;

b) depo të të gjitha llojeve;

c) terrene kampingu (për rulo);

ç) terrene sportive (me sipërfaqe mbi 200 m²);

d) struktura industriale;

dh) gurore.

2. Në hapësirën e zonës mbrojtëse të ansambilit arkitektonik urban nuk lejohen:

a) depo të të gjitha llojeve;

b) struktura industriale;

c) guroret.

3. Ndërtimet pa leje, të ndodhura brenda territorit të “Ansambilit arkitektonik urban” të një zone të qytetit të Konispolit dhe zonës mbrojtëse të tij, trajtohen në përputhje me ligjin nr. 20/2020, “Për përfundimin e proceseve kalimtare të pronësisë në Republikën e Shqipërisë”, dhe aktet nënligjore në

zbatim të tij. Shprehja e autoriteteve të trashëgimisë kulturore është kusht për përfundimin e procedurave të legalizimit për të gjitha rastet e specifikuar shprehimisht në ligj”.

Neni 10

Objektet pa status, pjesë e ansamblit arkitektonik urban

Objektet pa status, pjesë e “Ansamblit arkitektonik urban”, janë objekte të ndërtuara deri në miratimin e këtij plani, që me volumet dhe formulimin e tyre arkitekturor, nuk janë në harmoni me unitetin kompozicional të tij.

Neni 11

Kriteret e projektimit për ndërhyrjet e lejuara në “Ansamblin arkitektonik urban” dhe në zonën mbrojtëse të tij

1. Projektet për mirëmbajtjen, konservimin, restaurimin e objekteve ekzistuese, brenda “Ansamblin arkitektonik urban” dhe në zonën mbrojtëse të tij, hartohen në varësi të vlerave historike-kulturore të objektit apo monumentit, për të cilët janë shpallur pasuri kulturore, bazuar në legjislacionin në fuqi për trashëgiminë kulturore dhe aktet nënligjore të tij, si dhe në kartat ndërkombëtare të restaurimit.

2. Projektet për rikonstruksionin/ rindërtimin/ rritajtimin/ rijetëzimin e objekteve ekzistuese dhe ndërtimet e reja, brenda “Ansamblit arkitektonik urban”, hartohen, bazuar në studimet urbanistike dhe arkitektonike:

a) duke ruajtur karakteristikat tradicionale të ndërtesave të zonës, elementet origjinale të dukshme, të jashtme e të brendshme, tipologjinë, trajtimin arkitektonik dhe teknikën tradicionale, bazuar në dokumentacionin e qartë fotografik dhe grafik;

b) duke respektuar kushtet zhvillimore e vëllimore, trajtimin dhe elementet arkitektonike;

c) duke ruajtur sa më shumë trajtimin origjinal të pamjeve të jashtme, duke respektuar volumin ekzistues, ndërsa brendësia e tyre mund të ndryshojë, duke respektuar elemente të veçanta, me vlerë për trashëgiminë kulturore;

ç) duke respektuar kushtin, që lartësia nuk duhet të kalojë lartësinë e dy–tri kateve, ose 10.5 m deri në kornizën e çatisë;

d) duke përcaktuar materialin, madhësinë, ngjyrën e dymëve dhe dritareve, në harmoni me peizazhin kulturor të zonës;

dh) duke ruajtur origjinalitetin e ndërtimit të çatave katër ujëse, me pjerrësi 25–30 gradë, mbuluar me tjegulla vendi të kuqe, në harmoni me peizazhin kulturor të zonës.

3. Projektet për rikonstruksione dhe ndërtime të reja brenda zonës mbrojtëse duhet të jenë në harmoni me karakterin arkitektonik e urbanistik të zonës dhe të respektojnë kriteret e mëposhtme:

a) lartësia maksimale e ndërtimeve të reja apo rikonstruksioneve dhe përshtatjeve, përveç rasteve kur për to ka studime të veçanta, nuk duhet t’i kalojë 3–4 katet dhe lartësinë 12.5 m deri në kornizën e çatisë;

b) kompozimi arkitektonik i ndërtesave duhet t’i përshtatet karakterit arkitektonik e dekorativ të arkitekturës tradicionale, duke përdorur stilizime të elementeve morfologjike të saj, të kompozimeve vëllimore, ngjyrave etj.;

c) çatitë duhet të jenë katër ujëse, të kenë pjerrësi 25–30 gradë dhe të mbulohen me tjegulla vendi ngjyrë të kuqe. Mbulesat e tjera, si llamarinat, pllakat të ndryshme dhe tjegullat me ngjyrë tjetër janë të ndaluara.

4. Projektet për rikonstruksionin dhe ndërtimet e reja të rrjetit rrugor, shesheve dhe linjave të infrastrukturës mbi dhe nëntokësore, brenda zonës mbrojtëse të “Ansamblit arkitektonik urban”,

hartohen:

- a) bazuar parashikimeve të planit të përgjithshëm vendor të Bashkisë Konispol;
- b) duke mos cenuar vlerat e objekteve ekzistuese në mbrojtje;
- c) duke mos krijuar kontrast me kompozimin urban dhe arkitektonik.

Neni 12

Studimi, projektimi dhe zbatimi i punimeve në “Ansamblin arkitektonik urban” dhe zonës mbrojtëse

1. Studimet arkitektoniko-urbanistike, të cilat hartohen për rehabilitimin e pjesëve të veçanta të “Ansambilit arkitektonik urban” dhe të cilat përcaktojnë objektet, ku kryhen ndërhyrje konservuese e restauruese, ritrajtime, rikonstruksione, rindërtime dhe rehabilitimi, hartohen nga Instituti Kombëtar i Trashëgimisë Kulturore (në vijim “IKTK”), Drejtoria Rajonale e Trashëgimisë Kulturore (në vijim “DRTK”), përgjegjëse për Konispolin ose/dhe nga persona fizikë apo juridikë të licencuar për projektim të veprimtarive ndërhyrëse në pasuritë kulturore materiale dhe miratohen në Këshillin Kombëtar të Trashëgimisë Kulturore Materiale (në vijim “KKTKM”).

2. Projektet për mirëmbajtjen, konservimin, restaurimin e rijetëzimin në “Ansambilit arkitektonik urban” hartohen nga IKTK-ja, DRTK-ja përgjegjëse për Konispolin ose/dhe nga persona fizikë apo juridikë të licencuar për projektim të veprimtarive ndërhyrëse në pasuritë kulturore materiale. Projektet shqyrtohen dhe miratohen në KKTKM. Zbatimi i punimeve kryhet nga DRTK-ja përgjegjëse për Konispolin ose nga subjekte të licencuara për zbatim të veprimtarive ndërhyrëse në pasuritë kulturore materiale. Mbikëqyrja e punimeve dhe kolaudimi kryhen sipas legjislacionit në fuqi për trashëgiminë kulturore.

3. Projektet për rikonstruksionin/rindërtimin/ritrajtimin e objekteve ekzistuese dhe ndërtimet e reja brenda “Ansambilit arkitektonik urban” hartohen nga IKTK-ja, DRTK-ja përgjegjëse për Konispolin ose/dhe nga persona fizikë apo juridikë të licencuar për projektim të veprimtarive ndërhyrëse në pasuritë kulturore materiale. Projektet shqyrtohen dhe miratohen në KKTKM. Procedura e miratimit vijon sipas ligjit për planifikimin dhe zhvillimin e territorit. Zbatimi i punimeve kryhet nga DRTK-ja ose nga subjekte të licencuara për zbatim të veprimtarive ndërhyrëse në pasuritë kulturore materiale. Mbikëqyrja e punimeve dhe kolaudimi kryhen sipas legjislacionit në fuqi për trashëgiminë kulturore.

4. Projektet për rikonstruksionet, ndërhyrje integruese, përshtatjet në sheshe të lira dhe ndërtimet e reja në zonën mbrojtëse të “Ansambilit arkitektonik urban” hartohen nga persona të licencuar për këtë kategori projektesh, bazuar në planin e përgjithshëm vendor të Bashkisë Konispol apo në studimet urbanistike e arkitektonike. Projektet shqyrtohen dhe miratohen në KKTKM. Procedura e miratimit vijon sipas legjislacionit për planifikimin dhe zhvillimin e territorit. Zbatimi i punimeve të rikonstruksionit dhe i ndërtimeve të reja kryhet nga subjekte të licencuara në këtë kategori. Mbikëqyrja dhe kolaudimi kryhen nga subjekte të licencuara në këtë kategori dhe monitorohet nga DRTK-ja përgjegjëse për Konispolin.

5. Projektet për rikonstruksionin dhe ndërtimet e reja të rrjetit rrugor, shesheve dhe linjave të infrastrukturës mbi dhe nëntokësore në zonën mbrojtëse hartohen nga persona të licencuar, sipas legjislacionit në fuqi për planifikimin dhe zhvillimin e territorit. Projektet shqyrtohen dhe miratohen në KKTKM. Procedura e miratimit vijon sipas ligjit për planifikimit dhe zhvillimit të territorit. Zbatimi i punimeve, mbikëqyrja dhe kolaudimi kryhen sipas ligjit për planifikimit dhe zhvillimit të territorit. DRTK-ja përgjegjëse për Konispolin monitoron procesin e zbatimit të punimeve.



6. Projektet për vendosjen e strukturave të përkohshme, fiksimit e flamujve, vendosjen e materialeve informuese dhe reklamuese në “Ansamblin arkitektonik urban” hartohen nga persona

fizikë apo juridikë të licencuar për projektim. Projektet shqyrtohen dhe miratohen edhe në KKTKM. Procedura më pas vijon me urdhër të ministrit përgjegjës për trashëgiminë kulturore. Mbikëqyrja e punimeve kryhet nga DRTK-ja përgjegjëse për Konispolin.

Neni 13

Dispozita të fundit

Shtesat dhe ndryshimet në këtë plan bëhen me propozimin e ministrit përgjegjës për trashëgiminë kulturore dhe miratohen nga Këshilli i Ministrave.



KOORDINATAT ZONA E MBROJTUR E ANSAMBLIT URBAN

E	N
515794.7247	4391711.607
515778.1372	4391730.167
515773.3813	4391730.012
515760.0417	4391762.414
515744.1115	4391751.897
515744.6528	4391745.014
515733.9038	4391736.972
515722.9228	4391738.054
515708.2299	4391734.188
515705.678	4391739.369
515663.5325	4391737.706
515652.6288	4391733.067
515646.4423	4391728.04
515640.7972	4391720.848
515639.3279	4391712.419
515621.6964	4391715.126
515617.5205	4391703.217
515606.1528	4391692.158
515617.8298	4391686.977
515610.2514	4391679.785
515614.1179	4391664.861
515622.315	4391645.218
515626.4136	4391635.088
515613.8086	4391634.237
515609.4781	4391617.611
515599.193	4391614.325
515578.3909	4391596.732
515552.5624	4391583.044
515552.0984	4391587.065
515526.6564	4391578.791
515531.2963	4391570.285
515498.0439	4391560.541
515497.8893	4391568.893
515494.8733	4391573.996
515478.2472	4391573.842
515453.4239	4391560.618
515448.6293	4391556.288
515425.2754	4391544.147
515408.8812	4391531.851
515404.396	4391532.779
515391.4043	4391548.168
515364.0291	4391524.659
515357.0693	4391508.497
515310.8253	4391512.982
515303.4789	4391531.619
515286.5433	4391535.486
515274.1704	4391541.672
515235.5821	4391529.222
515224.6785	4391541.904
515168.2654	4391520.406
515127.2413	4391517.777
515127.1253	4391474.974

515098.7447	4391475.438
515099.1314	4391468.092
515100.7554	4391467.396
515100.9873	4391455.641
515107.0192	4391443.578
515110.6151	4391430.509
515110.3831	4391414.965
515144.4088	4391412.104
515148.198	4391417.053
515191.1168	4391414.81
515245.4032	4391420.997
515252.5177	4391438.628
515287.4713	4391442.804
515307.2681	4391422.389
515324.8996	4391417.904
515355.368	4391415.429
515388.4657	4391412.336
515393.8789	4391418.058
515390.3217	4391463.993
515490.8521	4391492.915
515496.188	4391471.494
515495.492	4391454.945
515521.5526	4391452.471
515523.1765	4391462.292
515529.0537	4391461.518
515536.0908	4391485.568
515547.3038	4391482.862
515553.9543	4391476.907
515557.2022	4391479.305
515567.8353	4391474.007
515572.1658	4391483.287
515577.0377	4391489.01
515583.4561	4391486.767
515592.6585	4391503.857
515574.0991	4391515.225
515583.5335	4391529.454
515565.3607	4391551.338
515628.6175	4391581.343
515651.5075	4391584.668
515687.2731	4391616.799
515695.3929	4391614.866
515716.9296	4391637.408
515726.4414	4391657.243
515733.2078	4391672.942
515737.8477	4391679.592
515761.4337	4391697.688
515769.2441	4391698.384
515774.7346	4391694.981
515794.7247	4391711.607